

山侗稽首自別姚仙思心度日如年卽此清清雨露遍潤芝田
伏惟神明協相處安閑法體翛然鈺如昨荷尋常留念書信相
傳 輒有微言相懇譚仙去相邀鶴羽翩翩倘若攜雲光訪感
激難言些兒閑中閑事待賢來面罄不宣山侗拜上玄中玄玉
座前

寄馬行街董公書

山侗稽首董公道偉自違清論三歲渴德之懷筆舌豈能盡意
伏想邇來法候愈沖和燕居無滯子今則處環墻養拙毋勞齒
記 幸遇便風經過把狂吟尺牘通爲一寄歲月堂堂歸去有
如流水性命速宜了幹啓虔誠幸恕僭易山侗拜董公道偉及
道藏輯要

丹陽神光燦

卷

川集七

諸道契

贈劉守初

道家活計少說些箇清閑一味無過並沒攀緣愛念俗事相魔
逍遙水雲自在任東西日月如梭咨遊歷便攜筇跋履頂笠披
簑 不論天涯海畔颯颯地如癡似醉狂歌外卽雖然踈散內
養沖和神丹一朝鍊就放霞光萬道非多恁時節禮拜風仙直
上大羅

贈朱官人張書表

諸公聽我自有神京鑪中亦有蓬瀛五色霞光上下來往飛昇
識得水雲活計更無勞足力遊行固性命便般般打過有甚閑

爭 好事先人後已守清虛營養一點靈明應物真常自在動
止安甯一朝功成行滿去朝元雲步身輕真了了似重陽師父
無滅無生

贈饗公

蓬頭垢面秘奧埋名願神養氣忘形並沒纖塵挂染意靜心明
逍遙自然快樂握玄機修進長生清閑處管勝如火院苦海冤
坑 卧月眠雲弄斗調龍虎嬰嬌女姤堪憑幹運飛金走玉杳
杳冥冥靈光一點來往現元初妙相身輕乘鸞鳳指蓬瀛路上
前行

贈權知微

丹陽神光燦

奕

胃集七

道藏輯要

因何絕利爲甚忘名曾觀五嶽真形至性如珠似印燦爛光明
從斯假軀識破便灰心更不勞生尋出路恐靈光一點落在迷
坑 割斷攀緣愛念搜玄妙無中捉箇爲憑靜靜清湛湛杳
默昏冥功成七還九轉挂仙裳鶴羽輕輕朝元去指瑤臺閬苑
雲行

贈駱先生劉石二先生

諸公學道莫學奇怪無爲無作無賽百不歌中四句偈內持戒
身心木雕涅捏遇千魔萬難不採常甯耐常甯耐常甯耐甯
耐 悟徹觀天之道執天行關要自是交泰常處真常常應常
靜常在真常真權真樂現真如超越三界真無壞真無壞無壞